

四庫全書

史部

欽定四庫全書

大清律例卷十三

戶律

課程

課者稅物之錢程者謂物有貴賤課有多寡如地利之有程限也

鹽法

一十一條

凡犯

無引私鹽凡有確貨即是引不必藏之多少

者杖一百徒三年若

帶

有軍器者加一等

流二千

誣指平人者加三

等

流三千里

拒捕者斬

監候

鹽貨車船頭匹並入官

道塗

引領

秤手

牙人及窩藏

鹽犯

寄頓

鹽貨

者杖九十徒二

年半

受雇

挑擔馱載者

與創所謂肩挑背負者不同

杖八十徒

二年非應捕人告獲者就將所獲私鹽給付告

人充賞

同販中

有一人能自首者免罪一體給賞

若

人自犯而自首止免罪不賞仍追原贓

○若

私鹽

事發止理見獲人

鹽

如獲鹽不獲人者不追獲人不獲鹽者不坐

當該官司不許

聽其

展

轉攀指違者

官吏

以故入人罪論

謂如人鹽同獲止理見發有確

貨無犯人者其鹽

沒官不須追究

凡鹽場竈丁人等除

歲辦

正額鹽外夾帶餘鹽出場

及私煎鹽貨賣者同私鹽法

該管

總催知情故縱

及通同貨賣者與犯人同罪

凡婦人有犯私鹽若夫在家或子知情罪坐夫男

其雖有夫而遠出或有子幼弱罪坐本婦

決杖一百

餘罪

收贖

凡買食私鹽者杖一百因而貨賣者杖一百徒三

年

凡管理鹽務及有巡緝私鹽之責文武各衙門巡

獲私鹽即發有司歸勘

原獲

各衙門不許擅問若

有司官吏通同

原獲各衙門

脫放者與犯人同罪受

財者計贓以枉法從

其罪

重論

凡管理鹽務及有巡緝私鹽之責文武各衙門設

法差人於該管地面并附場緊關去處常川巡

禁私鹽若有透漏者關津把截官及所委巡鹽

人員初犯笞四十再犯笞五十三犯杖六十

公罪

並留職役若知情故縱及容令軍兵隨同販賣

者與犯人同罪

私罪

受財者計贓以枉法從重論

○其巡獲私鹽入已不解官者杖一百徒三年

若裝誣平人者加三等

杖一百流  
三千里

凡起運官鹽每引照額定斤數為一袋並帶額定

耗鹽經過批驗所依

引目

數掣摯秤盤

隨手取袋  
摯其輕重

但有夾帶餘鹽者同私鹽法○若客鹽越過批

驗所不經掣摯

及引上  
不使

關防者杖九十押回

逐一

盤驗

盡盤鹽而驗之有餘鹽以夾帶論罪

凡客商販賣

有引官鹽

當照引發鹽

不許鹽

與

引相離違

者同私鹽法○其賣鹽了畢十日之內不繳退

引者答四十○若將舊引

不繳

影射鹽貨者同私

鹽法

凡起運官鹽并竈戶運鹽上倉將帶軍器及不用

官船起運者同私鹽法

凡客商將

驗過有引

官鹽插和沙土貨賣者杖八十

凡將有引官鹽不於拘定該行鹽地面發賣轉於

別境犯界貨賣者杖一百知而買食者杖六十

不知者不坐其鹽入官

### 條例

一越境

如淮鹽越過浙  
鹽地方之類

興販官司引鹽至三千斤

以上者問發附近地方充軍其客商收買餘鹽

買求掣摯至三千斤以上者亦照前例發遣經

過官司縱放及地方甲隣里老知而不舉各治



以罪巡捕官員乘機興販至三千斤以上亦照

前例問發

須至三千斤不及三千斤在本  
行鹽地方雖越府省仍依本律

一凡偽造鹽引印信賄囑運司吏書人等將已故

并遠年商人名籍中鹽來歷填寫在引轉賣誑

騙財物為首者依律處斬外其為從并經紀牙

行店戶運司吏書一應知情人等但計贓滿數

應流者不拘曾否支鹽出場俱發近邊充軍

一各鹽運司總催名下該管鹽課納完者方許照

名填給通關若

不曾納課

總催買囑官吏并覆盤委

官

假指課已上

倉指

上

囤扶同作弊者俱問發近

邊充軍

一各處鹽場無籍之徒號稱長布衫趕船虎光棍  
好漢等項名色把持官府詐害客商犯該徒罪  
以上及再犯杖罪以下者俱發近邊充軍

一凡豪強鹽徒聚衆至十人以上撐駕大船張掛  
旗號擅用兵仗響器拒敵官兵若殺人及傷三

人以上者比照強盜已行得財律皆斬為首者  
仍梟首示衆傷二人者為首斬決為從絞監候  
傷一人者為首斬監候為從發黑龍江等處給  
與披甲人為奴其雖拒敵不曾殺傷人為首絞  
監候為從流三千里若貧難軍民將私鹽肩挑  
背負易米度日者不必禁捕

一凡兵民聚衆十人以上帶有軍器興販私鹽拒  
捕殺人及傷三人以上為首并殺人之犯斬決

傷人之犯斬監候未曾下手殺傷人者發近邊  
充軍傷二人者為首斬下手者絞俱監候傷一  
人者為首絞監候下手者發黑龍江等處給與  
披甲人為奴為從滿流其雖帶有軍器不曾拒  
捕者為首發近邊充軍為從流二千里若十人  
以下拒捕殺人不論有無軍器為首者斬下手  
者絞俱監候不曾下手者發近邊充軍傷至二  
人以上者為首者斬監候下手之人絞監候止

傷一人者為首絞監候下手之犯杖一百流三千里其不曾下手者仍照私鹽本律治罪其不帶軍器不曾拒捕不分十人上下仍照私鹽律杖一百徒三年若十人以下雖有軍器不曾拒捕者為首亦照私鹽帶有軍器加一等律杖一百流二千里為從杖一百徒三年其失察文武各官交部議處有拿獲大夥私販者交部議叙一凡竈丁販賣私鹽大使失察者革職知情者枷

號一個月發落不准折贖該管上司官俱交該部議處

一凡回空糧船如有夾帶私鹽闖關闖關不服盤查聚至十人以上持械拒捕殺人及傷三人以上者為首并殺人之人擬斬立決傷人之犯斬監候未曾下手殺傷人者發近邊充軍其雖拒捕不曾殺傷人為首絞監候為從流三千里十人以下拒捕殺傷人者俱照兵民聚眾十人以

下例分別治罪頭船旗丁頭舵人等雖無夾帶私鹽但闖關闖關者枷號兩個月發近邊充軍隨同之旗丁頭舵照為從例枷號一個月杖一百徒三年不知情不坐賣私之人及竈丁將鹽私賣與糧船者各杖一百流二千里窩藏寄頓者杖一百徒三年其雖不闖關闖關但夾帶私鹽亦照販私加一等流二千里兵役受賄縱放者計贓以枉法從重論未受賄者杖一百革退

販私地方之專管官兼轄官及押運官並交部  
議處隨幫革退其雖無夾帶私鹽倚恃糧船闖  
閘闖關者押運等官革職隨幫責三十板革退  
不服盤查持械傷人者押運等官革職隨幫責  
四十板革退倘關閘各官勒索留難運官呈明  
督撫叅處

一拿獲販私鹽犯承審官務須先將買自何人何  
地以及買鹽月日數目究明提集犯証並密提



竈戶煎鹽火仗簿扇查審確實將賣鹽及窩頓  
之人均與本犯按照律例一體治罪若查審無  
據即屬虛誣將本犯依律加三等治罪如承審  
官不能審出誣扳者交部分別議處若審出買  
自場竈即將該管鹽場大使並沿途失察各官  
題叅議處其不行首報之竈丁均照販私例治  
罪

一凡大夥興販聚衆拒捕及執持器械殺傷巡役

人等脫逃之梟徒照強盜例勒緝地方文武各官疎縱及上司容隱不叅交部議處

一拿獲私鹽限四個月完結其案內私鹽交與本處鹽商較時價減十分之一二立即變價所獲騾馬牛驢如延挨不變以致倒斃着落該州縣官照中等價值賠補車船等物亦照依時價據實變價報部查核倘有侵漁捏報情弊並逾限不行完結及不即變價報解者將該州縣分別

議處治罪

一鹽船在大江失風失水者查明准其裝鹽復運  
倘有假捏情弊以販私律治罪

一除行鹽地方大夥私販嚴加緝究外其貧難小  
民年六十歲以上十五歲以下及年雖少壯身有  
殘疾并婦女年老孤獨無依者於本州縣報明  
驗實註冊每日赴場買鹽四十斤挑賣只許陸  
路不許船裝并越境至別處地方及一日數次

出入如有違犯仍分別治罪

一巡鹽兵捕自行夾帶私販及通同他人運販者  
照私鹽加一等治罪

一凡收買肩販官鹽越境化貨賣審明實非私梟者  
除無拒捕情形仍照律例問擬外其拒捕者照  
罪人拒捕律加罪二等如興販本罪應問充軍  
者仍從重論倘拒捕毆人至折傷以上者絞殺  
人者斬俱監候為從各減一等

一鹽商雇募巡役如遇私梟大販即飛報營汛協同擒拿其雇募巡役不許私帶烏鎗違者照私藏軍器律治罪失察之地方官交部照例議處

一凡運鹽船戶偷竊商鹽整包售賣者照船戶行竊商民例分別首從計贓科罪各加枷號兩個月仍盡本法刺字所賣之贓照追給主如追不足數將船變抵其押運商廝起意通同盜賣者依奴僕勾引外人同盜家長財物計贓遞加竊

盜一等例治罪如非起意止通同偷賣分贓者  
依奴僕盜家長財物照竊盜例計贓科斷若商  
厮稽察不到被船戶乘機盜賣者照不應重律  
杖八十如押運之人或係該商親族仍分別有  
服無服照親屬相盜律例科斷

一埠頭明知船戶不良朦混攬裝及任意扣剋水  
脚致船戶途間乏用盜賣商鹽者照寫船保載  
等行恃強代攬勒索使用擾害客商例治罪外

加枷號一個月船戶變賠不足之賊並令代補  
如無前項情弊止於保雇不實者照不應重律  
杖八十

一販賣私鹽數至三百斤以上及盤獲糧船夾帶  
訛係大夥興販均即究明買自何處按律治罪  
如不將賣鹽人姓名據實供出者即將該犯於  
應得本罪上加一等定擬若向老幼孤獨零星  
收買數在三百斤以下實不能供出賣鹽人姓

名者仍以本罪科斷如承審各員有心庇縱含混完結該管上司不行詳揭一併題叅議處  
一拿獲船載車裝馬馱私鹽該地方官如不按律治罪曲為開脫者該管上司察出即照故出人罪律從重叅處

一引鹽淹消具報到官該地方州縣官即會同營員查勘確實限一月內通詳鹽道該道於詳到之日起限半月內核轉以憑飭商補運限三月



內過所運口岸該鹽政仍將淹消補運鹽斤數  
目報部其沿途督撫及該管鹽道知府隨時查  
察如有州縣營員扶同商人捏報及勒索捺攔  
情弊即行指名題叅商人照例治罪

監臨勢要中鹽

凡監臨

鹽法

官吏詭

立偽

名及

內外

權勢之人中納錢糧

於各倉庫

請買鹽引勘合

支領官鹽貨賣

侵奪民利者杖一

百徒三年鹽貨入官

鹽引勘合追繳

欽定四庫全書



卷十三

阻壞鹽法

凡客商

赴官

中買鹽引勘合不親赴場支鹽中途增

價轉賣

以致轉賣日多中買日少且詭冒易滋因而

阻壞鹽法者買

主賣主各杖八十牙保減一等

買主轉支之

鹽貨

賣主

轉賣之

價錢並入官其

各行鹽地方

舖戶轉買

本主之鹽而

折賣者不用此律

欽定四庫全書

目錄  
卷十三

# 私茶

凡犯私茶者同私鹽法論罪如將已批驗截角退

引入山影射照

出支

茶者以私茶論

截角凡經過官司一處驗

過將引紙截去一角革重冒之弊也

## 條例

一官給茶引付產茶府州縣凡商人買茶具數赴官納銀給引方許出境貨賣每引照茶一百斤茶不及引者謂之畸零別置由帖付之量地遠

近定以程限於經過地方執照若茶無由引及  
茶引相離者聽人告捕其有茶引不相當或有  
餘茶者並聽拏問賣茶畢即以原給由引赴住  
賣官司告繳該府州縣俱各委官一員專理

一私茶有興販夾帶五百斤者照見行私鹽例押  
發充軍

一凡興販私茶潛住邊境與外國交易及在腹裏  
販賣與來京回還外國人者不拘斤數連知情

歇家牙保發烟瘴地面充軍其在西寧甘肅河  
州洮州四川雅州販賣者雖不入番一百斤以  
上發附近三百斤以上發近邊各充軍不及前  
數者依律擬斷仍枷號兩個月文武官員縱容  
弟男子姪家人軍伴人等興販及守備把關巡  
捕等官知情故縱者各降一級調用失覺察者  
照常發落若守備把關巡捕等官自行興販私  
茶通番者發近邊在西寧甘肅河洮雅州販賣



卷十三  
至三百斤以上者發附近各充軍

一做造假茶五百斤以上者本商并轉賣之人俱問發附近地方充軍若店戶窩頓一千斤以上者亦照例發遣不及前數者問罪照常發落

一凡茶商赴楚買茶應照會典每茶一千斤准帶附茶一百四十斤令產茶地方官給發船票開明該商引目茶數不得另給印票收茶其應行盤查之地方官悉照引目及正附茶斤驗放不

許捐勒留難如於部引之外有搭行印票及附  
茶不依所定斤數多帶私茶者即行查拿照私  
鹽律治罪查驗地方官故縱失察者照失察私  
鹽例處分至五司變賣茶斤如有地僻引多壅  
滯不能行銷者各商具呈該司詳報甘撫行令  
往賣司分照數盤查聽其發賣辦課

欽定四庫全書

少司馬  
卷十三

私鑿

凡私煎鑿貨賣者同私鹽法論罪

凡產鑿之所額設鑿課係官主

典給有文憑執  
照然後許賣

欽定四庫全書

卷十三

匿稅

凡客商匿稅不納課程者笞五十物貨一半入官  
於入官物內以十分為率三分付告人充賞務  
官攢攔自獲者不賞入門不弔引同匿稅法

商

入開門必先取官置號單備  
開貨物憑其弔引照貨起稅

○若買頭匹不稅

契者罪亦如之仍於買主名下追徵價錢一半

入官


條例

一京師及在外稅課司局批驗茶引所但係納稅  
去處皆令客商自納若權豪無籍之徒結黨把  
持攔截生事攪擾商稅者徒罪以上枷號兩個  
月發附近地方充軍杖罪以下照前枷號發落  
一屯莊居住旗人賣馬者俱令在屯莊所隸之州  
縣上稅方准發賣其民間馬匹或賣與旗人或  
賣與驛站或兵民互相買賣俱報明地方官上  
稅存案如不上稅不存案而私自買賣者依律

治罪追價一半入官







舶商匿貨

凡泛海客商舶

大船

到岸即將貨物盡實報官抽

分若停塌沿港土商牙僧之家不報者杖一百

雖供報而不盡實罪亦如之

不報與報不盡之

物貨並

入官停藏之人同罪告獲者官給賞銀二十兩



人戶虧兌課程

凡民間週歲額辦茶鹽商稅諸色課程年終不納齊足者計不足之數以十分為率一分答四十每一分加一等罪止杖八十追課納官○若茶鹽運司鹽場茶局及稅務河泊所等官不行用

心催

辦課程

年終比附上年課額虧

欠

兌

缺者

亦以十分論一分答五十每一分加一等罪止杖一百所虧課程著落追補還官○若

人戶已納而官

吏人役

有隱瞞

不附簿因而

侵欺借用者並計贓以監

### 守自盜論

### 條例

一鹽課錢糧不完者將經督各官照分數議處外  
其各商名下應完鹽課作為十分欠不及一分  
者責二十板欠一分者枷號一箇月責二十板  
欠二分者枷號一箇月半責二十五板欠三分  
者枷號兩箇月責三十板欠四分者枷號兩箇

月半責三十五板欠五分者枷號三箇月責四十板以上欠課各商題叅之日扣限一箇月全完者免處如逾限不完照此例枷責如於枷限內照數全完者釋放免責如枷限滿日仍全不完納除杖責外將該商咨叅革退并帶徵等項俱以引窩變抵欠六分者將該商杖六十徒一年所欠課項限四箇月全完欠七分者杖七十年徒一年半限六箇月全完欠八分者杖八十徒

二年限八箇月全完欠九分者杖九十徒二年  
半限十箇月全完欠十分者杖一百徒三年限  
一年全完以上自六分至十分將該商鎖禁嚴  
查家產如限內全完革退商人免其杖徒倘逾  
限不完即將該商發配所欠新課帶徵等項著  
落引窩家產變抵

一管收稅課錢糧倘有隱匿加倍著追如接收官  
不行清查上司不行轉報題叅俱著落分賠

一在京在外官員眷口船隻過關除無貨物照常  
驗放胥吏人等毋得任意需索外如有奸牙地  
棍假稱京員科道名帖或京員子弟執持父兄  
名帖討關夾帶貨物希圖免稅者該管關員即  
行查拏究治如該管關員不行詳查及明知瞻  
徇照例議處



大清律例卷十三

欽定四庫全書

史部

大清律例卷十四至  
七

詳校官侍講學士臣法式善

編修臣程嘉謨覆勘

總校官降調編修臣倉聖脉

校對官編修臣邱庭澐

謄錄監生臣慕湘文

欽定四庫全書

大清律例卷十四目錄

戶律

錢債

違禁取利

費用受寄財產

得遺失物

欽定四庫全書

卷十四目錄

欽定四庫全書

大清律例卷十四

戶律

錢債

違禁取利

凡私放錢債及典當財物每月取利並不得過三分年月雖多不過一本一利違者答四十以餘

利計贓重

於答四十

者坐贓論罪止杖一百○若監

臨官吏於所部內舉放錢債典當財物者

不必多取

餘利有犯即

杖八十違禁取利以餘利計贓重

於杖八十

者依不枉法論

各主首通算折半科罪有祿人三十兩無祿人四十兩並杖九

十每十兩加一等罪止杖一百流三千里

並追餘利給主

庶民官吏言其

負欠私債違約不還者五兩以上違三月笞一

十每一月加一等罪止笞四十五兩以上違

三月笞二十每一月加一等罪止笞五十百兩

以上違三月笞三十每一月加一等罪止杖六

十並追本利給主○若豪勢之人於違約負債者不告

官司以私債強奪去人孳畜產業者杖八十多無

取餘利聽贖不追若估所奪富產之價過本利者計多餘之

物罪有重於杖八十者坐贓論罪止杖一百依之多餘數追還

主○若準折人妻妻子女者杖一百姦占加一等論強

奪者加二等杖七十徒一年半因強而姦占婦女者絞

監侯所準折強奪之人口給親私債免追

## 條例

一凡勢豪舉放私債交通運糧官挾勢擅拏官軍

綁打陵辱強將官糧

官糧與軍糧不同官糧者漕運赴京上納正糧也軍

糧行月二糧也

準還私債者問罪屬軍衛者發近邊充

軍屬有司者發邊外為民

交通綁打準糧三項有一未合仍各照律

發落該管運糧官叅究治罪

一聽選官吏監生人等借債與債主及保人同赴任所取償至五十兩以上借者革職債主及保人各枷號一箇月發落債追入官



一凡負欠私債在京不赴法司而赴別衙門在外  
不赴軍衛有司而越赴巡撫司道官處告理及  
輒具本狀奏訴者俱問罪

依越  
訴論

立案不行若本

京別衙門聽從施行者一體叅究私債不追

一佐領驍騎校領催等有在本佐領或弟兄佐領  
下指扣兵丁錢糧放印子銀者係佐領驍騎校  
照流三千里之例枷號六十日係領催照近邊  
充軍例枷號七十五日俱鞭一百夥同放印子

銀者照為從杖一百徒三年例枷號四十日鞭  
一百所得利銀勒追入官佐領驍騎校領催等  
與屬下兵丁保借者革去職役該叅領交部議  
處至佐領驍騎校叅領等平時失於覺察以致  
該管兵丁將官錢糧扣還印子銀者俱交部分  
別議處

一民人違禁向八旗兵丁放轉子印子長短錢扣  
取錢糧及旗人舉放重債勒取兵丁錢糧並非

在本佐領下放債者或經告發或被兵丁首出  
除所欠債目不准給還外將放債之人照訛詐  
例從重治罪欠債之人毋庸治罪失察之該管  
文武官俱交部議處八旗佐領每月仍將有無  
重利放債之人出具印結呈報該叅領按季加  
結呈報都統查核

一八旗領催代屬下兵丁指扣錢糧保借者照夥  
同放債人枷號四十日鞭一百例發落其指米

借債之人照違

制律鞭一百仍將失察之該管各官交部分別議處

一放債之徒用短票扣折違例巧取重利者嚴拏治罪其銀照例入官受害之人許其自首免罪並免追息

一監臨官吏於所部內舉放錢債典當財物者即非禁外多取餘利亦按其所得月息照將自己貨物散與部民多取價利計贓准不枉法論強

者准枉法論不枉法各主者折半科罪律減一  
等問所得利銀照追入官至違禁取利以所得  
月息全數科算准不枉法論強者准枉法論並  
將所得利銀追出餘利給主其餘入官



費用受寄財產

凡受寄<sup>他</sup>人財物畜產而輒費用者坐贓論

<sup>以坐贓致</sup>

罪減一等

<sup>罪止杖九十  
徒二年半</sup>

詐言死失者准竊盜論

減一等

<sup>罪止杖一百  
徒三年免刺</sup>

並追物還主其被水火盜

賊費失及畜產病死有顯跡者勿論

<sup>若受寄財  
畜而隱匿</sup>

<sup>不認依誣騙律如以產業轉寄他人戶  
下而為所賣失自有詭寄盜賣本條</sup>

條例

一親屬費用受寄財物大功以上及外祖父母得

相容隱之親屬追物給主不坐罪小功減三等  
緦麻減二等無服之親減一等俱追物還主



得遺失物

凡得遺失之物限五日內送官官物

盡數

還官私物

召人識認於內一半給與得物人充賞一半給

還失物人如三十日內無人識認者全給

五日限

外不送官者官物坐贓論

罪止杖一百徒三年追物還官

私物

減

坐贓

二等其物一半入官一半給主

若無主全入官

○

若於官私地內掘得埋藏

無主

之物者並聽收用

若有古器鐘鼎符印異常之物

非民間所宜有者

限三

十日內送官違者杖八十其物入官

大清律例卷十四

欽定四庫全書

大清律例卷十五目錄

戶律

市廛

私充牙行埠頭

市司評物價

把持行市

私造斛斗秤尺

器用布絹不如法

欽定四庫全書

大清律例卷十五

戶律

市廛

私充牙行埠頭

凡城市鄉村諸色牙行及船之埠頭並選有抵業

人戶充應官給印信文簿附寫

逐月所至

客商船戶

住貫姓名路引字號物貨數目每月赴官查照

其來歷引貨私充者杖六十所得牙錢入官官  
若不由官選

牙埠頭容隱者答五十各革去

條例

一凡客店每月置店簿一本在內赴兵馬司在外  
赴有司署押訖逐日附寫到店客商姓名人數  
起程月日各赴所司查照如有客商病死所遺  
財物別無家人親屬者官為見數移招召其父  
兄弟弟或已故之人嫡妻識認給還一年後無

識認者入官

一旂民遇有喪塋聽憑本家之便雇人擡送不許  
件作私分地界霸占扛擡分外多取雇值如有  
恃強攬奪不容本家雇人者立拏枷號兩箇月  
杖一百

一凡在京各牙行領帖開張照五年編審例清查  
換帖若有光棍頂冒朋充巧立名色霸開總行  
逼勒商人不許別投拖欠客本久占累商者問

罪枷號一箇月發附近充軍地方官通同徇縱者一并叅處

一京城一切無帖舖戶如有私分地界不令旁人附近開張及將地界議價若干方許承頂至發賣酒觔等項貨物車戶設立名牌獨自霸攬不令他人攬運違禁把持者枷號兩箇月杖一百一各處關口地方有土棍人等開立寫船保載等行合夥朋充盤踞上下遇有重載雇覓小船起



剝輒敢恃強代攬勒索使用以致擾累客商者  
該管地方官查拏照牙行及無籍之徒用強邀  
截客貨例枷號一箇月杖八十

一各衙門胥役有更名捏姓兼充牙行者照更名  
重役例杖一百革退如有誑騙客貨累商久候  
照光棍頂冒朋充霸開總行例枷號一箇月發  
附近充軍若該地方官失於覺察及有意徇縱  
交部分別議處受財故縱以枉法從重論

欽定四庫全書

卷十五

市司評物價

凡諸物牙行人評估物價或以貴為賤或以賤為貴令

價不平者計所增減之價坐贓論一兩以下笞二十罪止杖

一百徒三年入己者准竊盜論查律免刺○其為贓

入罪罪人估贓增減不實致罪有輕重者以故出

入人罪論若未決放減一等受財受贓犯之財估價輕受事主之財估價重

者計贓以枉法從重論無祿人查律坐罪

欽定四庫全書

卷十五

把持行市

凡買賣諸物兩不同而把持行市專取其利及  
販鬻之徒通同牙行共為姦計賣<sub>己</sub>物以賤為

貴買<sub>人</sub>之物以貴為賤者杖八十○若見人有買

賣在旁<sub>混以己物</sub>高下比價以相惑亂而取利者<sub>雖情</sub>

<sub>非犯</sub>持<sub>犯</sub>笞四十○若已得利物計賊重<sub>於杖八十</sub>

者准竊盜論免刺<sub>贓輕者仍以本罪科之</sub>

條例

一會同館內外四鄰軍民人等代替外國人收買  
違禁貨物者問罪枷號一箇月發近邊充軍

一凡外國人

朝貢到京會同館開市五日各鋪行人等將不係應  
禁之物入館兩平交易染作布絹等項立限交  
還如賒買及故意拖延騙勒遠人久候不得起  
程者問罪仍於館門首枷號一箇月若不依期  
日及誘引遠人潛入人家私交易者私貨各

入官鋪行人等照前枷號

一甘肅西寧等處遇有番夷到來所在該管官司  
委官關防督查聽與軍民人等兩平交易若勢  
豪之家主使弟男子姪家人等將遠人好馬奇  
貨包收逼令減價以賤易貴及將一切貨物頭  
畜拘收取覓用錢方許買賣者主使之人問發  
附近地方充軍聽使之人減主使一等委官知  
而不舉通同分利者叅問治罪

一各處客商輻輳去處若牙行及無籍之徒用強邀截客貨者不論有無誑賒貨物問罪俱枷號一箇月如有誑賒貨物仍追比完足發落若追比年久無從賠還累死客商者發附近充軍

一凡

內府人員家人及王貝勒貝子公大臣官員家人領本生理霸占要地闖津倚勢欺陵不令商民貿易者事發將倚勢欺陵之人擬斬監候如民人



借貸王以下大臣官員銀兩指名貿易霸占要地關津恃強貽累地方者亦照此例治罪又

內府人員家人及王以下大臣官員家人指名倚勢網收市利挾制有司干預詞訟肆行非法該主遣去者本犯枷號三個月鞭一百本犯私去者照光棍例治罪王貝勒貝子公失察者俱交與該衙門照例議處管理家務官革職大臣官員失察者亦俱革職不行察拏之該地方文武官

交該部議處

一大小衙門公私所需貨物務照市價公平交易  
不得克用牙行縱役私取即有差辦必須秉公提  
取毋許藉端需索如有縱役失察交部分別議  
處其衙役照牙行及無籍之徒用強邀截客貨  
者不論有無誑賒貨物例枷號一個月杖八十  
如贓至三十五兩者照枉法贓問擬所得贓私  
貨物分別給主入官

一牙行侵欠控追之案審係設計誑騙侵吞入已者照誑騙本律計贓治罪一百二十兩以上問擬滿流追贓給主若係分散客店牙行並無中飽者一千兩以下照例勒追一年不完依負欠私債律治罪一千兩以上監禁嚴追一年不完於負欠私債律上加三等杖九十所欠之銀仍追給主承追之員按月冊報巡道稽查逾限不給者巡道按冊提比如怠忽從事拖延累商者

該巡道據實揭叅照事件遲延例議處有意徇縱者照徇情例降二級調用如有受財故縱者計贓從重以枉法論

一糧船雇覓短絳如有棍徒勒價聚眾攢毆等事押運員弁拿交地方官審實將為首及下手傷人之犯俱問發近邊充軍餘俱杖一百枷號兩個月於河岸示衆

私造斛斗秤尺

凡私造斛斗秤尺不平在市行使及將官降斛斗

秤尺作弊增減者杖六十工匠同罪○若官降

不如法者

官吏工匠

杖七十提調官失於較勘者減

原置官吏

工匠罪

一等知情與同罪○其在市行使斛

斗秤尺雖平而不經官司較勘印烙者

即係私造

答

四十○若倉庫官吏私自增減官降斛斗秤尺

收支官物而不平

納以所增出以所減

者杖一百以所增

減物計贓重

於杖一百

者坐贓論因而得

所增減之物入

已者以監守自盜論

併贓不分首從查律科斷

工匠杖八十

監臨官知而不舉者與犯人同罪失覺察減三

等罪止杖一百

器用布絹不如法

凡民間造器用之物不牢固正實及絹布之屬純薄短狹而賣者各笞五十

大清律例卷十五



欽定四庫全書

大清律例卷十六目錄

禮律

祭祀

祭享

毀大祀邱壇

致祭祀典神祇

歷代帝王陵寢

褻瀆神明

禁止師巫邪術

欽定四庫全書

大清律例卷十六

禮律

祭祀

祭享

凡天地社稷大祀及廟享所司

太常寺將祭則先致齋將齋則先誓

戒將戒則先告示

不將祭祀日期豫先告示諸衙門

會知

者笞五十因

不告示

而失誤行事者杖一百其已

承告示而失誤者罪坐失誤之人

亦杖一百

○若

傳制

興百官  
齋戒

百官已受誓戒而弔喪問疾判署刑殺

文書及豫筵晏者皆罰俸一月其

所知百官

有總

麻以上喪或曾經杖罪遣充執事及令陪祀者

罪同不知者不坐若有喪有過不自言者罪亦

如之其已受誓戒人員散齋

於外

不宿淨室致齋

於內

不宿本司者並罰俸一月○若大祀牲牢玉

帛黍稷之屬不如法者笞五十一事缺少者杖

八十一座全缺者杖一百○若奉大祀

在縣

犧

牲主司

犧牲所官

喂養不如法致有瘦損者一牲笞

四十每一牲加一等罪止杖八十因而致死者

加一等○中祀有犯者罪同

餘條准此

# 條例

一凡

郊祀齋戒前二日太常寺官宿於本司次日具本奏

聞致齋三日次日進銅人傳

制諭文武官齋戒不飲酒不食葱韭薤蒜不問病不弔  
喪不聽樂不理刑不與妻妾同處定齋戒日期  
文武百官先沐浴更衣本衙門宿歇次日聽誓  
戒畢致齋三日

# 宗廟

社稷亦致齋三日惟不誓戒

一大祀前三月以犧牲付犧牲所滌治如法中祀  
前三十日滌之小祀前十日滌之大祀祭

天地

太社

太稷也廟享祭

太廟

山陵也中祀如朝日夕月風雲雷雨嶽鎮海瀆及歷代帝

王先師先農旗纛等神小祀謂凡載在祀典諸

神惟帝王陵寢及孔子廟則傳

制特遣





毀大祀丘壇

凡大祀丘壇而毀損者

不論故誤

杖一百流二千里

門減二等

杖九十徒二年半

○若棄毀大祀神御

廟

之物者杖一百徒三年

雖輕必坐

遺失及誤毀者各

減三等

杖七十徒一年半如價值重者以毀棄官物科

條例

一

天地等壇內縱放牲畜作踐及私種藉田外餘地并奪取

耜田禾把者俱問違

制杖一百牲畜入官犯人枷號一箇月發落

一八旂大臣將本旂官員職名書寫傳牌挨次遞交  
每十日責成一人會同太常寺官前往

大壇嚴查有放鷹打鎗成羣飲酒遊戲者即行嚴拏交部  
照違

制律治罪

致祭祀典神祇

凡

各府州縣

社稷山川風雲雷雨等神及

境內先代

聖帝明

王忠臣烈士載在祀典應合致祭神祇所在有

司置立牌面開寫神號祭祀日期於潔淨處常

川懸掛依時致祭至期失誤祭祀者

所司官吏

杖一

百其不當奉祀之神

非祀典所載

而致祭者杖八十



歷代帝王陵寢

凡歷代帝王陵寢及先聖先賢忠臣烈士墳墓

所在

有司當加護守

不許於上樵採耕種及牧放牛羊等畜

違者杖八十



褻瀆神明

凡私家告天拜斗焚燒夜香燃點天燈

告天

七燈

拜斗

褻瀆神明者杖八十婦女有犯罪坐家長若僧

道修齋設醮而拜奏青詞表文及祈禳火災者

同罪還俗

重在拜奏若止修齋祈禳而不拜奏青詞表文者不禁

○若有

官及軍民之家縱令妻女於寺觀神廟燒香者

笞四十罪坐夫男無夫男者罪坐本婦其寺觀

神廟住持及守門之人不為禁止者與同罪

條例

一凡僧道軍民人等於各寺觀神廟刁姦婦女因而引誘逃走或誑騙財物者問各杖一百姦夫發三千里充軍財物照追給主若軍民人等縱令婦女於寺觀神廟有犯者杖七十枷號一箇月發落



禁止師巫邪術

凡師巫假降邪神書符咒水扶鸞禱聖自號端公

太保師婆

名色

及妄稱彌勒佛白蓮社明尊教白

雲宗等會一應左道異端之術或隱藏圖像燒

香集衆夜聚曉散佯修善事煽惑人民為首者

絞

監候

為從者各杖一百流三千里若軍民裝扮神像鳴鑼

擊鼓迎神賽會者杖一百罪坐為首之人○里

長知而不首者各笞四十其民間春秋義社

以行

祈報者

不在此限

條例

一各處官吏軍民僧道人等來京妄稱諳曉扶鸞  
禱聖書符咒水一切左道異端邪術煽惑人民  
為從者及稱燒煉丹藥出入內外官家或擅入  
皇城黃緣作弊希求進用屬軍衛者發近邊充軍屬  
有司者發邊外為民若容留潛住及薦舉引用隣  
甲知情不舉并

皇城各門守衛官軍不行關防撥拏者各叅究治罪  
一凡左道惑衆之人或燒香集徒夜聚曉散為從  
者及稱為善友求討布施至十人以上并軍民  
人等不問來歷窩藏接引或寺觀住持容留披  
剃冠簪探聽境內事情若審實探聽軍情以姦細論及被誘  
軍民捨與應禁鐵器等項事發屬軍衛者發近  
邊充軍屬有司者發邊外為民

一習天文之人若妄言禍福煽惑人民者照律治

罪

一凡端公道士作為異端法術醫人致死者照鬪殺律擬罪

一邪教惑衆照律治罪外如該地方官不行嚴禁在京五城御史在外督撫徇庇不行糾叅一併交與該部議處旁人出首者於各犯名下併追銀二十兩充賞如係應捕之人拏獲者追銀十兩充賞

一凡有奸匪之徒將各種避刑邪術私相傳習者  
為首教授之人擬絞監候為從學習之人杖一  
百流三千里若事犯到官本犯以邪術架刑者  
照規避本罪律遞加二等罪止杖一百流三千  
里其犯該絞斬者仍照本罪科斷至事犯到官  
本犯雇人作法架刑者亦照以邪術架刑例治  
罪並究出代為架刑之人照詐教誘人犯法與  
犯人同罪律至死減一等得贓照枉法從重論

保甲隣里知而容隱不首者照知而不首本律  
笞四十地方官不行查拏者照例議處

一私刻地畝經及占驗推測妄誕不經之書售賣  
圖利及將舊有書板藏匿不行銷毀者俱照違

制律治罪

大清律例卷十六

欽定四庫全書

大清律例卷十七目錄

禮律

儀制

合和御藥

乘輿服御物

收藏禁書

御賜衣物

失誤朝賀

失儀

奏對失序

朝見留難

上書陳言

見任官輒自立碑

禁止迎送

公差人員欺陵長官



服舍違式

僧道拜父母

失占天象

術士妄言禍福

匿父母夫喪

棄親之任

喪葬

鄉飲酒禮

欽定四庫全書

卷十七目錄

欽定四庫全書

大清律例卷十七

禮律

儀制

合和御藥

凡合和御藥誤不依

對症

本方及封題錯誤

經手

醫人

杖一百料理揀擇

誤

不精者杖六十若造御膳

誤犯食禁厨子杖一百若飲食之物不潔淨者

杖八十揀擇

誤

不精者杖六十

御藥  
御膳

不品嘗者

笞五十監臨提調官各減醫人厨子罪二等○

若監臨提調官及厨子人等誤將雜藥至造御

膳處所者杖一百所將雜藥就令自喫

御膳  
所

厨子

人等有犯監臨提調官知而不奏者門官及守  
衛官失於按檢者與犯人同罪並臨時奏聞區  
處

條例

一醫官就

內局修製藥餌本院官診視調服

御藥叅看校同會近臣就

內局合藥將藥貼連名封記具本開寫本方藥性治  
症之法於日月之下醫官近臣書名以進置簿  
書進藥奏本既具隨即附簿年月下書名近臣  
收掌以憑稽考煎調

御藥本院官與近臣監視二服合為一服俟熟分為二

罷其一罷御醫先嘗次院判次近臣其一罷進

御

乘輿服御物

凡乘輿服御物

主守之人

收藏修整不如法者杖六十

進御差失者

進所不當進

笞四十其車馬之屬不調

習駕馭之具不堅完者杖八十○若主守之人

將乘輿服御物私自借用或轉借與人及借之

者各杖一百徒三年若棄毀者罪亦如之

平時急玩

不行看守

遺失及誤毀者各減三等○若御幸舟船

誤不堅固者工匠杖一百若不整頓修飾及在

篙棹之屬缺少者杖六十並罪坐所由

經手造作之人

並主守之人

監臨提調官各減工匠罪二等並臨時

奏聞區處



收藏禁書

凡私家收藏天象器物

如璇璣玉衡  
渾天儀之類

圖識

圖象識  
緯之書

推治  
亂

應禁之書及

繪畫

歷代帝王圖像金玉符璽

等物

不首  
官

者杖一百並於犯人名下追銀一十

兩給付告人充賞

器物等項  
並追入官



御賜衣物

凡御賜百官衣物使臣不行親送轉附他人給與者杖一百罷職不敘



失誤朝賀

凡朝賀及迎接詔書所司不豫先告示者笞四十其已承告示而失誤者罪亦如之



失儀

凡陪助祭祀及謁拜園陵若朝會行禮差錯及失儀

者罰俸一月其糾儀官應糾舉而不糾者罪同

條例

一

朝叅近侍病嗽者許即退班或一時眩暈及感疾不

能侍立者許同列官掖出

一凡

壇廟祭祀及

聖駕出入並陞殿之日派委司員及步軍校嚴加巡察  
有廝役肆行喊叫衝突擁擠者拏送該部杖一  
百其主笞五十尋常

朝會日犯者杖六十其主笞三十係官俱交該部議  
處若在内執事人並大臣侍衛跟役犯者交與  
該管大臣衙門治罪



奏對失序

凡在朝侍從官員特承顧問官高者先行回奏卑者以次進對若先後失序者各罰俸一月

欽定四庫全書

大清御制  
卷十七

朝見留難

凡司儀禮官將應朝見官員人等託故留難阻當

不即引見者

審實留難之故得情方

斬

監候

大臣知而不問

與同罪不知者不坐

欽定四庫全書

大清律例  
卷十七

上書陳言

凡國家政令得失軍民利病一切興利除害之事  
並從六部官面奏區處及科道督撫各陳所見  
直言無隱○若內外大小官員但有本衙門不  
便事件許令明白條陳合題奏之本管官實封  
進呈取自上裁若知而不言苟延歲月者在內  
從科道在外從督撫糾察犯者以事應  
奏不奏論○其陳  
言事理並要直言簡易每事各開前件不許虛

飾繁文○若縱橫之徒假以上書巧言令色希  
求進用者杖一百○若稱訴冤枉於軍民官司  
借用印信封皮入遞者及借與者皆斬

離犯

### 條例

一內外大小衙門官員但有不公不法等事在內  
從臺省在外從督撫糾舉須要明著年月指陳  
實跡明白具奏若係機密重事實封

御前開拆並不許虛文泛言若挾私撻求細事及糾言

不實者抵罪惟生員不許一言建白違者革黜  
以違

制論

[illegible]



見任官輒自立碑

凡見任官實無政蹟

於所部內

輒自立碑建祠者杖一

百若遣人妄稱已善申請於上

而為之立碑建祠

者杖

八十受遣之人各減一等

碑祠拆毀

欽定四庫全書

卷十七

禁止迎送

凡上司官及

奉朝命

使客經過而所在各衙門官吏

出郭迎送者杖九十其客令迎送不舉問者罪亦如之

條例

一上司入城凡文武屬員止許出城三里迎送如不入城在境內經過處所迎送倘迎送必至交界或因事營求或乘便賄賂將屬員革職拏問

如止出界迎送無營求賄賂等情照擅離職役律議處若上司有必欲迎送致屬員畏其威勢至交界迎送者倘有勒索情弊將上司革職提問如止令迎送無勒索情弊照例議處地方官俱免議

一凡提鎮赴任所屬將弁於是日迎接除跟役外其司事兵丁不得過十名出城不得過五里其副叅遊擊等官赴任本標員弁於是日迎接除

跟役外司事兵丁不得過五名出城不得過三里從境內經過者止許在本營汛地經過處所迎送如屬員多帶兵丁越境遠迎及上司容令遠迎并不行揭報者俱交部照律議處

一文武官員出入應合開道而不開道致令應避官員不曾迴避者不問若因而生事者止問上官

一軍民人等於街市遇見官員引導經過即須下

馬躲避不許衝突違者笞五十

一書役迎接新官在交界處所等候呈送須知冊籍其餘書役概令隨印交代併將頭接二接三接陋習嚴行禁止如有約結多人執批遠迎者照律治罪

一屬員與上司親戚子姪有乘便夤緣因事賄囑者按律分別革職治罪上司之子姪親戚有官職者經過屬員境內拜候往來屬員供應餽送

均照不應重律降三級調用無官職者照不應  
重律杖八十該上司自行查出叅處者免議漫  
無覺察者照約束不嚴例降一級調用知而不  
舉照徇庇例降三級調用如有夤緣賄囑等事  
通同徇縱者一併分別革職治罪





公差人員欺陵長官

凡公差人員在外不循禮法

言語傲慢

欺陵守禦官及

知府知州知縣者杖六十若校尉有犯杖七十  
祇候禁子有犯杖八十

條例

一公堂乃係民人瞻仰之所如奴僕皂隸人等入  
正門馳當道坐公座者杖七十徒一年半吏員  
承差人等加一等若六部都察院在京各衙門

人役接奉批差敢有似前越禮犯分者許所在  
官長實封叅奏照例治罪

服舍違式

凡官民房舍車服器物之類各有等第若違式僭用有官者杖一百罷職不敘無官者笞五十罪

坐家長工匠並笞五十

違式之物貢令改正工匠自首免罪不給賞

○若僭用違禁龍鳳紋者官民各杖一百徒三

年

官罷職不敘

工匠杖一百違禁之物並入官○首

告者官給賞銀五十兩○若工匠能自首者免

罪一體給賞

條例

一公侯文武各官應用帽頂束帶及生儒衣帽照品級次第不許僭越官員越品僭用及民間違禁擅用者照律治罪凡應用東珠重不得過三分如用三分以上即同違式公侯伯起花金帽頂上銜紅寶石一大顆公中嵌東珠四顆侯中嵌東珠三顆伯中嵌東珠二顆帶俱用圓玉版四塊四圍金鑲公中嵌猫睛一顆侯中嵌綠松

子石一顆伯中嵌紅寶石一顆俱四爪蟒補服  
一品起花金帽頂上銜紅寶石一大顆中嵌東  
珠一顆帶用方玉版四塊四圍金鑲中嵌紅寶  
石一顆文職仙鶴補服武職麒麟補服二品起  
花金帽頂上銜起花珊瑚一大顆中嵌小紅寶  
石一顆帶用起花圓版四塊中嵌紅寶石一顆  
文職錦雞補服武職獅子補服三品起花金帽  
頂上銜藍寶石一大顆中嵌小紅寶石一顆帶

用起花金圓版四塊文職孔雀補服武職豹補服四品起花金帽頂上銜青金石一大顆中嵌小藍寶石一顆帶用起花金圓版四塊銀鑲邊文職雲雁補服武職虎補服五品起花金帽頂上銜水晶一大顆中嵌小藍寶石一顆帶用素金圓版四塊銀鑲邊文職白鷗補服武職熊補服六品起花金帽頂上銜碑礪一大顆中嵌小藍寶石一顆帶用玳瑁圓版四塊銀鑲邊文職

鷺鷥補服武職彪補服七品上銜素金頂中嵌  
小水晶一顆帶用素銀圓版四塊文職鸛鵒補  
服武職補服與六品同八品起花金帽頂帶用  
明羊角圓版四塊銀鑲邊文職鶴鵒補服武職  
犀牛補服九品及雜職起花銀帽頂帶用烏角  
圓版四塊銀鑲邊文職練雀補服武職海馬補  
服在京都察院在外按察使等官俱獬豸補服  
其朝服披肩接袖俱用粧緞蟒緞都察院都事

經歷筆帖式按察司經歷照磨等官補服各照  
本身品級不得濫用獬豸舉人官生貢監生金  
雀頂高二寸帶同八品青袍藍邊披領同生員  
銀雀頂高二寸帶同九品藍袍青邊披領同外  
郎錫葫蘆頂衣及披領皆純青耆老用錫頂不  
用披領餘與外郎同

一房舍車馬衣服等物貴賤各有等第上可以魚  
下下不可以僭上其父祖有官身歿曾經斷罪



者除房舍仍許子孫居住其餘車馬衣服等物  
父祖既與無罪者有別則子孫概不得用

一房舍並不得施用重拱重簷樓房不在重簷之  
限職官一品二品廳房七間九架屋脊許用花  
樣獸吻梁棟斗拱簷桷彩色繪飾正門三間五  
架門用綠油獸面銅鑲三品至五品廳房五間  
七架許用獸吻梁棟斗拱簷桷青碧繪飾正門  
三間三架門用黑油獸面擺錫鑲六品至九品

廳房三間七架梁棟止用土黃刷飾正門一間  
三架門用黑油鐵鏤庶民所居堂舍不過三間  
五架不用斗拱彩色雕飾

一庶民男女衣服並不得僭用金繡許用紵絲綾  
羅紬絹素紗婦人金首飾一件金耳鐲一對餘  
止用銀翠不得製造花樣金線粧飾

一帳幔並不許用赭黃龍鳳紋職官一品至三品  
許用金花刺繡紗羅四品五品刺繡紗羅六品

以下許用素紗羅庶民用紗絹

一傘蓋職官一品二品銀葫蘆杏黃羅表紅裏三

品四品紅葫蘆杏黃羅表紅裏以上皆三簷

僉事

道亦同

五品紅葫蘆藍羅表紅裏六品以下八品

以上惟用藍絹皆重簷雨傘通油絹庶民不得用羅絹涼傘許用油紙雨傘

一鞍轡並不許雕飾龍鳳紋

一器皿不許造龍鳳紋

一墳塋石獸職官一品塋地九十步墳高一丈八尺二品塋地八十步墳高一丈四尺三品塋地七十步墳高一丈二尺以上石獸並六四品塋地六十步五品塋地五十步墳高八尺以上石獸並四六品塋地四十步七品以下二十步墳高六尺以上發步皆從塋心各數至邊五品以上許用碑龜趺螭首六品以下許用碣方趺圓首庶人塋地九步穿心一十八步止用礮誌

一品官服色鞍轡等物除官府應用之家許令織造外其私下與不應用之家製造者工匠依律治罪

一軍民僧道人等服飾器用俱有定制若常服

言常

服則大服不禁

僭用錦綺紵絲綾羅彩繡器物用戩金

描金酒器純用

言純用若止用一件不禁

金銀及將大紅銷

金製為帳幔被褥之類婦女僭用金繡色衣服

金寶首飾鐲釧

言金寶則止用金飾無珠寶不禁

及用珍珠緣

綴衣履并結成補子蓋額纓絡等件事發俱照

律治罪服飾器用等物並追入官

婦女罪坐家長

奴僕

准用紡絲絹紬綿紬繭毛褐屯絹葛苧梭布  
貉皮羊皮其緞紗及各樣細皮俱不許用長隨  
亦照奴僕服飾違者照律治罪

一官吏軍民人等但有服飾僭用黃紫二色及蟒  
龍飛魚斗牛器皿僭用硃紅黃顏色及親王法  
物者俱比照僭用龍鳳紋律擬斷服飾器皿追

收入官

一凡官民人等用線纓者笞五十

一黃色秋香色五爪龍緞團補服及四爪暗蟒之  
四團補八團補緞紗官民不許穿用其大臣官  
員有

特賜五爪龍衣服及緞疋無論色樣俱許穿用若頒賜  
五爪龍緞立龍緞挑去一爪穿用若官員軍民  
人等違例濫用者係官革職平人枷號一箇月

杖一百失察官交部議處衣服入官

一凡平時所戴煖帽涼帽親王世子郡王長子貝勒貝子入八分公俱用紅寶石頂未入八分公固倫額駙和碩公主額駙民公侯伯鎮國將軍和碩額駙及一品大臣俱用珊瑚頂輔國將軍及二品官俱用起花珊瑚頂奉國將軍及三品官俱用藍寶石頂及藍色明玻璃奉恩將軍及四品官俱用青金石頂及藍色涅玻璃五品官



用水晶頂及白色明玻璃六品官用碑礫頂及  
白色涅玻璃七品官素金頂八品官用起花金  
頂九品官用起花銀頂未入流與九品同候補  
候選與現任同凡九品之讀祝贊禮鳴贊序班  
俱用八品起花金頂進士舉人貢生俱用金頂  
生員監生俱用銀頂

一文武官員應用雨帽雨衣除二品以上仍照舊  
例戴用大紅三品亦准用大紅雨帽四品五品

六品用紅頂黑鑲邊雨帽七品八品九品及有頂帶人員俱用黑頂紅鑲邊雨帽其

內廷行走之員仍照舊例不論品級雨帽俱戴大紅無論油帽氈帽一色服用僭用者照違

制論

一在籍候選吏員有僭穿補服干謁地方官者照違

制律治罪

僧道拜父母

凡僧尼道士女冠并令拜父母祭祀祖先

本宗親屬在內

喪服等第

謂斬衰期功總麻之類

皆與常人同違者杖一

百還俗○若僧道衣服止許用紬絹布疋不得用紵絲綾羅違者笞五十還俗衣服入官其袈裟道服不在禁限

欽定四庫全書

卷十七

失占天象

凡天文

如日月五緯二十八宿之屬

垂象

如日重輪及日月珥蝕景星彗孛之類

欽天監官失於占候奏聞者杖六十

條例

一占候天象欽天監設觀星臺令天文生分班晝

夜觀望或有變異開具揭帖呈堂上官當奏

聞者隨即具奏



術士妄言禍福

凡陰陽術士不許於大小文武官員之家妄言

國家

禍福違者杖一百其依經推算星命卜課不在  
禁限





匿父母夫喪

凡聞父母

若嫡孫承重  
與父母同

及夫之喪匿不舉哀者杖

六十徒一年若喪制未終釋服從吉忘哀作樂

及參預筵宴者杖八十若聞期親尊長喪匿不

舉哀者亦杖八十若喪制未終釋服從吉者杖

六十○若官吏父母死應丁憂詐稱祖父父母伯

叔姑兄姊之喪不丁憂者杖一百罷職役不敘

若父母  
見在

無喪詐稱有喪或

父母已殞

舊喪詐稱新喪

者

與不  
丁憂

罪同有規避者從

其  
重

論

若喪制

未終冒哀從仕者杖八十

亦罷  
職

○其當該官司

知而聽行各與同罪不知者不坐○其仕宦遠  
方丁憂者以聞喪月日為始奪情起復者不拘  
此律

條例

一內外官員例合守制者在內經由該部具題關  
給執照在外經由該撫照例題咨回籍守制京

官取具同鄉官印結外官取具原籍地方官印  
甘各結將承重祖父母及嫡親父母與為所後  
父母例應守制開明呈報如有詐冒照律例治  
罪俱以聞喪月日為始不計閏二十七箇月服  
滿起復若服滿果無事故在家遷延者交該部  
照例議處

一官吏丁憂除公罪不問外其犯贓罪及係官錢  
糧依例勾問

一凡文武生員及舉貢監生遇本生父母之喪期  
年內不許應歲科兩考及鄉會二試其童生亦  
不許應府州縣及院試有隱匿不報朦混干進  
者事發照匿喪例治罪

一凡官員出繼為人後者於起文赴部選補之時  
即將本生三代姓氏存歿一并開列選補之後  
即行知照該省如有出仕之後始行出繼歸宗  
者即著該員取具本旂原籍印結詳報咨部改

正三代倘有臨時先謀出繼歸宗預為匿喪戀  
職地步者一經發覺將本官照匿喪例革職不  
准原赦扶同出結之旂籍各官俱交該部照例  
議處其扶同具結之隣族照不應重律杖八十

欽定四庫全書



卷十七

棄親之任

凡祖父母父母年八十以上及篤疾別無以次侍

丁而棄親之任及妄稱祖父母父母老疾求歸

入侍者並杖八十

棄親者令歸養候親終服  
闕降用求歸者照舊供職若

祖父母父母及夫犯罪見被囚禁而筵晏作樂

者罪亦如之

筵晏不必本家  
併他家在內

條例

一凡應補應選人員有親老情願終養者於本省

起文時即具呈該地方官轉詳咨部在籍終養  
若現任官員祖父母父母年七十以上家無次  
丁者或有兄弟而篤疾不能侍養及母老雖有  
兄弟而同父異母者其父母年至八十以上雖  
家有次丁願請終養者或出仕後兄弟忽遭事  
故無人奉事者均不拘歷俸三年之限該督撫  
查明該員倉穀錢糧並無虧空任內並無罣誤  
取具印結具題俱准其回籍終養俟親終服滿



之日該督撫給咨赴部銓補如有捏報借名詭  
避者發覺之日將呈請終養之員按律究擬並  
將出結各官一併叅處

欽定四庫全書

大清  
卷十七

喪葬

職官庶民  
三月而葬

凡有

尊卑

喪之家必須依禮

定限

安葬若惑於風水及

托故停柩在家經年暴露不葬者杖八十

若棄毀死

屍又有  
本律

其從尊長遺言將屍燒化及棄置水中

者杖一百從卑幼並減二等若亡歿遠方子孫

不能歸葬而燒化者聽從其便○其居喪之家

修齋設醮若男女混雜

所重  
在此

飲酒食肉者家長

杖八十僧道同罪還俗

條例

一旂民喪葬概不許火化除遠鄉貧人不能扶柩歸里不得已攜骨歸葬者姑聽不禁外其餘有犯照違

制律治罪族長及佐領等隱匿不報照不應輕律分別鞭責議處

一民間遇有喪葬之事不許聚集演戲以及扮演雜劇等類違者按律究處

一民間喪祭之事凡有用絲竹管絃演唱佛戲之處該地方官嚴行禁止違者照違

制律治罪



鄉飲酒禮

凡鄉黨敘齒及鄉飲酒禮已有定式違者笞五十

鄉黨敘齒自平時行坐而言  
鄉飲酒禮自會飲禮儀而言

條例

一鄉黨敘齒士農工商人等平居相見及歲時晏會  
揖拜之禮幼者先施坐次之列長者居上如佃  
戶見田主不論敘齒並行以少事長之禮若親  
屬不拘主佃止行親屬禮

一鄉飲坐敘高年有德者居於上高年淳篤者並  
之以次序齒而列其有曾違條犯法之人列  
於外坐不許紊越正席違者照違

制論主席者若不分別致使良莠溷淆或察知或坐中  
人發覺依律科罪

大清律例卷十七



# 欽定四庫全書

史部

大清律例卷  
二十八至  
三十一

詳校官侍講學士臣法武善

編修臣程嘉謨覆勘

總校官降調編修臣  
倉聖脉

校對官主事  
臣陳文樞

謄錄監生  
臣李騰芳

欽定四庫全書

大清律例卷十八目錄

兵律

宮衛

太廟門擅入

宮殿門擅入

宿衛守衛人私自代替

從駕稽違

直行御道

內府工作人匠替役

宮殿造作罷不出

輒出入宮殿門

闕防內使出入

向宮殿射箭

宿衛人兵仗

禁經斷人充宿衛

衝突儀仗

行宮營門

越城

門禁鎖鑰



欽定四庫全書

大清律例卷十八

兵律

宮衛

太廟門擅入

凡

故無

擅入太廟門及山陵兆域門者杖一百太社

門杖九十

但至門

未過門限者各減一等守衛官

故縱者各與犯人同罪失覺察者減三等

